



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R.P. Francisci Arias, Societatis Iesv Theologi, De Oratione
Mentali Et Mysteriorvm Vitae D.N. Iesv Christi &
benedictae Matris eius meditatione**

Arias, Francisco

Coloniae Agrippinae, 1616

Cap. XI. De aspirationibus pertinentibus ad viam vnitivam.

[urn:nbn:de:hbz:466:1-48934](https://nbn-resolving.org/urn:nbn:de:hbz:466:1-48934)

posita mora perfruatur conspectu possessioneque infiniti boni, quod tantoperè desiderauit.

CAPVT XL

*De aspirationibus pertinentibus ad
viam vnitiuam.*

Aspiraciones & orationes iaculatoriæ ordinatæ ad vniõnem perfectam animæ cum Deo, quæ exercentur in hac via vnitiuam, hæc sunt. Dulcis Iesu, Deus meus amor infinitus, imple totum cor meum tuo diuino, & fortissimo amore. Inflamma animam tuam amoris igne, qui nunquam extinguatur, vt totus amore ardeam. Occupa omnes animæ meæ facultates tuæ dulcedine, tuique amoris efficacia, donec nulla res eam moueat, nisi amor. O Deus meus, amatũ principium, & creator meus; ô purissima, æternaque essentia, ac fons infinitus omnis esse. O bonum infinitè amabile, ô fons infinitus omnis boni, ô infinitæ suauitatis abyssus. O pelagus immensum gaudiorum ineffabilium. O Deus meus, in te omnia inueniuntur, quibus ego indigeo, & quicquid desiderare queo, quia alia omnia à te manant & proueniunt. Te solũ specto, te vnum quaero; quia alia omnia

nia per te optari & quæri debent. Aperi
 mihi, quia ego te voco; attrahe me,
 quia te desidero. Fac ut per amorem v-
 num tecum efficiar. O Deus cordis mei,
 quando ego te inueniam, qualem desi-
 dero? quando perfectè me tibi coniun-
 gam? quando per gratiam & amorem
 supernaturalem me in te transforma-
 bo? O Deus meus, vita & gloria mea,
 quando moriar omnibus mundi rebus,
 ut perfectè viuam in te? Quando renū-
 ciabo omnibus rebus, ut resignatus
 sim omnino voluntati tuæ? Deus meus,
 rex meus, exiges à me, ut toto corde te
 amem, da mihi quæso gratiam, ut per-
 fectè, quicquid imperaris, compleam.

O bone Iesu, o spes mea, o refugium
 meum, o cordis mei amor, o sponse flo-
 ride, & anime mee dulcedo, o vita mea,
 o requies mea, o gaudium & consola-
 tio mea. Prepara Deus animam meam,
 munda, & ab omnibus vitijs eam expur-
 ga, passionesque omnes in ea mortifica.
 Adorna eam omnibus tuis virtutibus,
 amore tuo vulnera, dignam eam fac ha-
 bitatione tua, ut in ea delitijs illis frui
 possis, quas desideras habere cum filijs
 hominum. O altissima & beatissima
 Trinitas, Pater, Filius, & Spiritus S.
 tres personæ, & vnus solus Deus ve-
 rus,

1^o, doce me, adiuua me, vt te diligā, rego
me, vt omnia tui amore faciā. O Pater
æterne, per tuā immēsam potentiā, ad-
imple sanctis cōsiderationib. meā me-
moriā, vt semper sit in te firma & fixa.
O Fili Dei viui, per tuam æternā sapiē-
tiam, meum intellectum tuo diuino
lumine illustra, ac perfectam tuæ veri-
tatis meæque vtilitatis notitiam sub-
ministra. O Spiritus consolator, amor
Patris & Filij, per tuam inexhaustā bo-
nitatem incēde totam animam meam
perpetuo tuæ caritatis ardore, vt sem-
per & in omnibus rebus quæram tuam
gloriam, & tuæ sanctissimæ voluntati
me conformem. O clementissime Iesu,
Deus meus, caritas infinita, qui vis nos
diligere proximum sicut nos ipsos, lat-
gire gratiam, vt omnes plenè ex tuo a-
more diligam. Adiuua Ecclesiam tuā,
& fac eam in omni virtute & sanctita-
te efflorescere. Miserere omnium, quos
tuo sanguine redemisti. Purifica, illu-
mina, & perfice animas omnium ser-
uorū tuorū. Conuërte miseros peccato-
res. Reuoca ad vniōnē cū tua Ecclesia,
gratia, cēs hæreticos, & schismaticos.
Doce omnes ignorantes veritatē. Tra-
he ad fidei lucem infideles omnes. Suc-
curre afflictis in omnibus suis necessi-

DE PRAESENT. DEI. 59

tatibus. Conforta omnes mœstos, omnibus Purgatorij animabus remitte pœnam, & gloriam tribue sempiternā. Pro me & omnibus illis tuū pretiosissimum sanguinem offero, & quicquid fecisti, vel perpeffus in hoc mundo pro salute nostra fuisti. Offero & B. Virginis, tuæ gloriosissimæ matris, omniumque electorum tuorum merita. Amen.

CAPVT XII.

Quibus medijs possit comparari hoc donum, Deum præsentem in actionibus habendi.

HActenus exposuimus admirandos huius diuini exercitij fructus, docuimusque quæadmodum practicè usurpandū sit: nunc superest, vt declarem quibus medijs hoc donū acquiri possit. E quibus primū sit, vt illud postulemus à Deo; quia donum diuinum est, descendens à Patre luminum, à quo omne bonum & donū perfectum proficiscitur, Sicut enim à Christo Deo & Salvatore nostro, omnia alia subsidia ad salutem opportuna & necessaria expetimus, sic & hoc donū humiliter nobis concedi per suā infinitā misericordiā, passionisque suę merita flagitemus, quo semper eius recordemur, semper cor nostrū in ipsū erectū habeamus, semper denique quoad